



PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 1 FULAN-SETEMBRU TINAN 2015

KOMUNIKADU IMPRENSA

Sorumutuk Konsellu Ministrus loron 1 fulan-setembru 2015

Konsellu Ministrus hala'o sorumutuk tersa-feira ne'e, iha loron 1 fulan-setembru tinan 2015, iha sala sorumutuk Konsellu Ministrus nian, iha Palásiu Governu, Díli, no aprova ona:

1. Dekretu-Lei kona-ba lisensiamentu importadór sira foos nian

Foos ne'ebé tuir kultura importante ba-iha dieta sidadaun nasional sira no nia nu'udar bein nesesidade dahuluk nian. Nune'e, prezisa garante nafatin ninia abastesimentu, liuhusi medida no política oin-oin.

Konsellu Ministrus mós análiza ona mós:

1. Apresentasaun husi relatóriu ezekusaun ba Konvensaun Internasionál nian kona-ba Protesaun ba Direitu Traballadór Migrante nian sira

Tuir Konvensaun Internasionál kona-ba Protesaun ba Direitu Traballadór Migrante Hotu-hotu no Membre Família Sira nian, ne'ebé Timor-Leste mós halo parte, Governu prepara ona relatóriu inisial ida, ne'ebé hatudu situasaun migrante sira nian iha país, nune'e bele tuir regra konvensaun nian rasik.

Elabora ona relatóriu hafoin halo tiha análise hamutuk husi SEFOPE ho instituisaun relevante sira, hanesan Ministériu Justisa, Servisu Migrasaun, Ministériu Negósiu Estranjeiru no Kooperasaun no Sekretaria Estada ba Apoiu no Promosaun Sósiu-Ekonómika Feto sira nian. Sosiedade sivil, setór privadu no representante embaixada sira nian iha Timor-Leste, mós halo parte ba-iha iha konsulta integrada ida ne'e.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

2. Apresentasaun programa Komemorasaun sira tinan 500 ba Afirmasaun Identidade Timoroan sira nian

Ministru Administrasaun Estatál, hodi Komisaun no Organizasaun ba komemorasaun sira nia naran, hato'o ba Konsellu Ministru programa atividade sira ba apresiasaun. Serimónia sira hirak atuhodi dignifika Istória no prosesu konstrusaun identidade Timoroan sira nian, nune'e mós atu valoriza demokrasia, polítika no unidade nasional.

3. Komemorasaun sira “Desluto Nasional” ka “Kore-Metan Nasional” nian

Minsirtu Administrasaun Estatál informa ba Konsellu Ministrus kona-ba realizasaun serimónia Koremetan Nasional nian hosi loron 4 fulan-setembru to'o loron 31 fulan-dezemburu tinan 2015 iha territóriu Timor-Leste nia laran.

